

Broj: 08-45-1-6155/26
Sarajevo, 25.08.2026. godine

Na osnovu Zaključka Vlade Federacije Bosne i Hercegovine V. broj: 1173/2026 od 29.07.2026. godine Federalno ministarstvo finansija - Federalno ministarstvo financija, objavljuje:

JAVNI OGLAS

za kupoprodaju nedospjelih potraživanja putem zatvorenih pismenih ponuda

1. Federalno ministarstvo finansija-Federalno ministarstvo financija (u daljem tekstu: „Ministarstvo“) prodaje nedospjela potraživanja koja ima prema korisnicima kredita i to:

LOT 1 – Potraživanja od JP „ELEKTROPRIVREDA BIH“ d.d. Sarajevo po kreditu Evropske investicijske banke („Službeni glasnik BiH-Međunarodni ugovori“ broj: 6/07), EIB 23.871- Projekt obnova električne energije II. Ukupna nedospjela potraživanja (glavnica) po kreditu koja dospijevaju na naplatu nakon 31.12.2026. godine iznose 7.246.801,49 EUR, a sastoje se od 2 tranše (A i C) koje imaju različite fiksne kamatne stope i planove otplate.

LOT 2 – Potraživanja od JP „Elektroprivreda HZ HB“ d.d. Mostar po kreditu Evropske investicijske banke („Službeni glasnik BiH-Međunarodni ugovori“ broj: 6/07), EIB 23.871 Projekat Obnova električne energije II. Ukupna nedospjela potraživanja (glavnica) po kreditu koja dospijevaju na naplatu nakon 31.12.2026. godine iznose 7.040.559,97 EUR, a sastoje se od 3 tranše (A, B, i C) koje imaju različite kamatne stope i planove otplate

LOT 3 – Potraživanja od Kantona Sarajevo po kreditu Evropske banke za obnovu i razvoj („Službeni glasnik BiH-Međunarodni ugovori“ broj: 33/21), EBRD 51784 – Projekat javnog prevoza Sarajevo. Ukupna nedospjela potraživanja (glavnica) po kreditu koja dospijevaju na naplatu nakon 31.12.2026. godine iznose 7.499.999,98 EUR, a sastoji se od 1 tranše (A) koja ima promjenljivu kamatnu stopu 6-m EURIBOR+1%.

LOT 4 – Potraživanja od JP „CESTE FEDERACIJE BIH“ d.o.o. Sarajevo po kreditu Evropske investicijske banke („Službeni glasnik BiH-Međunarodni ugovori“ broj: 7/16), EIB 82.137 – Projekat modernizacije cesta. Ukupna nedospjela potraživanja (glavnica) po kreditu koja dospijevaju na naplatu nakon 31.12.2026. godine iznose 24.520.967,73 EUR, a sastoje se od 3 tranše (D, E, i F) koje imaju različite fiksne kamatne stope i planove otplate.

2. Navedena potraživanja su osigurana isključivo mjenicama korisnika kredita, a svi rizici naplate prelaze na kupca.
3. Pravo učešća u postupku javne prodaje nedospjelih potraživanja imaju banke sa sjedištem u Bosni i Hercegovini koje imaju dozvolu za rad izdatu od Agencije za bankarstvo Federacije Bosne i Hercegovine ili Agencije za bankarstvo Republike Srpske.
4. Ponude se podnose u pisanom obliku na memorandumu banke, a moraju sadržavati broj i naziv LOT-a, te oznaku tranše za koju se ponuda podnosi, iznos zahtjevanog prinosa do

dospijeca zaokružen na dvije decimale, ime i prezime kontakt osobe, broj telefona i email adresu, te biti potpisana od strane ovlaštenih osoba. Ponuda mora imati važnost minimalno do 31.12.2026. godine, i može sadržavati samo ponudu za određenu tranšu bez obaveze davanja ponude za sve tranše iz pripadajućeg LOT-a. Banke mogu dostavljati i zajedničku ponudu za jedan LOT, odnosno jednu ili više tranši. Za LOT 3, i to isključivo u svrhu kalkulacije ponude i obračuna diskonta banke trebaju koristiti vrijednost 6-m EURIBOR-a u iznosu od 3,20% (10Y 6-m EURIBOR swap na 24.08.2026. godine).

5. Pisane ponude dostavljaju se u zatvorenoj koverti putem pošte ili neposredno na Protokol Ministarstva, na adresu: Federalno ministarstvo finansija-Federalno ministarstvo financija, Mehmeda Spahe br. 5, 71000 Sarajevo, sa naznakom „NE OTVARATI - Ponuda po javnom oglasu za kupoprodaju nedospjelih potraživanja putem zatvorenih pismenih ponuda-2026) i to najkasnije do 22.10.2026. godine do 12:00 sati. Ponude primljene nakon isteka roka određenog za prijem ponuda neotvorene se vraćaju ponuđaču.
6. Javno otvaranje i čitanje ponuda obaviti će se 22.10.2026. godine u 14:00 sati, u prostorijama Ministarstva, Mehmeda Spahe br. 5, Sarajevo. Komisija vrši evaluaciju i rangiranje ponuda koje ispunjavaju sve uvjete iz oglasa i javno saopštava da je odabrana najpovoljnija ponuda ponuđača koji zahtjeva najniži prinos do dospeljeca za svaku tranšu. Ako je dostavljeno više ponuda sa istim najnižim prinosom do dospeljeca, prednost će se dati ponuđaču čija je ponuda ranije dostavljena. Ponuđači koji su dostavili najpovoljniju ponudu za odnosnu tranšu potvrđuju ponudu do 23.10.2026. godine do 12:00 sati. U slučaju da najpovoljniji ponuđač ne potvrdi ponudu ili zbog regulatornih zahtjeva u pogledu izloženosti povuče ponudu za odnosnu tranšu, prednost se daje ponuđaču čija je ponuda drugorangirana, i tako redom.
7. Sa ponuđačem čija ponuda bude prihvaćena kao najpovoljnija zaključiti će se odgovarajući ugovor o kupoprodaji u kojem će se utvrditi međusobna prava i obaveze. U slučaju da najpovoljniji ponuđač ne pristupi zaključenju ugovora o kupoprodaji, Ministarstvo zadržava pravo dodijeliti ugovor drugom najpovoljnijem ponuđaču čija ponuda ispunjava uslove iz oglasa.
8. Ministarstvo zadržava pravo u bilo kojem trenutku bez davanja obrazloženja odustati od prodaje, ne prihvatiti bilo koju ili sve ponude, bez pisanog obrazloženja.
9. Uvid u pregled potraživanja i raspoloživu dokumentaciju, zainteresirani ponuđači mogu izvršiti svakim radnim danom u vremenu od 9:00 do 15:00 sati u prostorijama Ministarstva, uz prethodno potpisanu odgovarajuću izjavu i to u periodu od objavljivanja javnog oglasa do kraja roka za dostavu ponude, a sve dodatne informacije mogu se dobiti putem emaila senad.dropic@fmf.gov.ba ili telefona 033/253-535.
10. Javni oglas se objavljuje u dnevnim novinama „Dnevni avaz“, „Večernji list“, i „Oslobođenje“, kao i na web stranici Ministarstva www.fmf.gov.ba.

